



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### კავკასიური შავტუხა



კავკასიური შავტუხა

კავკასიური შავტუხა (*Erebia graucasica*, Jachontov, 1909), პეპელა ხავერდულების (*Satyridae*) ოჯახიდან. იშვიათი სახეობაა. კავკასიაში წარმოდგენილია ორი ენდემური ქვესახეობით: *ssp. savalanica* de Les. და *ssp. transcaucasica* Wrn. წინა ფრთების სიგრძე 18–22 მმ. ზედა მხარე ხავერდოვანია, საერთო ფონი – მუქი ყავისფერი წითური ანარეკლით. ფრთების გასწვრივ მოყვითალო-მოჟანგისფრო ლაქაა გადაჭიმული. მის ზედა ნაწილში ერთმანეთში გარდამავალი ორი შავარშიიანი თეთრი თვალაკია. ქვედა ფრთებზე ასეთი ლაქა საერთოდ გამჭრალია და მხოლოდ თვალაკების გარშემოა შემორჩენილი. სულ სამი-ოთხი ლაქაა. ქვედა მხარე იმეორებს ზედა მხრის მოხატულობას. სახეობის არეალია კავკასია, სამხრ. კავკასია. ორივე ქვესახეობა მაღალი მთის

ენდემია: ნომინატიური სახეობა დიდი კავკასიონის მკვიდრია, ხოლო *ssp. transcaucasica* – მცირე კავკასიონისა და პონტოს მთების. ერთნაირ ეკოლ. პირობებში არსებობა და ტერიტორიის ასეთი განაწილება მათ ავტოქტონურ წარმოშობაზე მიგვანიშნებს. ბინადრობს სუბალპურ და ალპურ სარტყლებში ზ. დ. 1700 მ-იდან თოვლის ხაზამდე (ზ. დ. 3000 მ). ფრენს მდელოზე, ალპურ ხალებსა და ნაშალებზედაც კი. ზოგიერთ ლოკალურ ადგილებში ხშირია. მაგ., კავკასიური ქვესახეობა საკმაოდ დიდი რაოდენობითაა დიდი კავკასიონის აღმ. ნაწილის სამხრ. ქედებზე (ქოჩალოს მთა, ლაგოდეხი), ხოლო ბორჯომის ხეობის მაღალმთიანეთში ფართოდაა გავრცელებული სამხრ. კავკასიური ქვესახეობა (*ssp. transcaucasica*). რაც შეეხება *ssp. savalanica*-ს, ის ბინადრობს ნახიჩევანის მთებში. დღის

პეპელაა. წელიწადში ერთ თაობას იძლევა. ფრენს ივლისიდან აგვისტოს ჩათვლით. ბოგჯერ უფრო ადრიდანაც იწყებს ფრენას. კვერცხდება და მატლების გამოჩეკა მიმდინარეობს მარცვლოვნებზე (raminidae). იზამთრებს მატლი. ძირითადი მალმიტირებელი ფაქტორებია მდელოების ათვისება, გადაჭარბებული ძოვება, ტურიზმი. 1976-იდან შეტანილია საქართვე. ტერიტორიაზე დასაცავი მწერების სიაში, ასევე „საქართველოს წითელ ნუსხაში“.

ლიტ.: დ ი დ მ ა ნ ი ძ ე ე., საქართველოს პეპლები. ენდემური, რელიქტური და იშვიათი სახეობები (ქართულ და ინგლისურ ენებზე), თბ., 2005; Д и д м а н и д з е Э. А., წგ.: Некоторые группы животных аридных ландшафтов Закавказья., Тб., 1979; Красная Книга СССР, т. 1, М., 1984; М и р з о я н С. А., Б а т и а ш в и л и И. Д. и др., Редкие насекомые, М., 1982; D i d m a n i d z e E., Proceedings of the Institute of Zoology, v. 21, Тб., 2002.

**ე. დიდმანიძე**

---